

Gikuyu - Thigari Maandiko - Soldiers Scriptures

aEfeso 6:10-18

- 10 Ngīrīkia ngūmwīra mūgīe na hinya mūnyiitaine na Mwathani na ūndū wa hinya wake mūnene mūno.**
- 11 Mwīhumbee i matharaita ma mbaara marīa Ngai aheanaga nīguo mūhote kwīgita mawara mooru ma Ngoma.**
- 12 Nī amu tūtirarūua na andū no tūrarūa na moonene, maahinya, aathani a nduma a gūukū thī o na mbūtū cia maroho mooru ma kūūria igūrū.**
- 13 Kwoguo oyai matharaita ma mbaara marīa Ngai aheanaga, nī geetha rīrīa mūthenya ūrīa mūūru ūgooka mūkaahota gwītiiria thū, mūrūe nayo mūtigwo o mwīhandīite.**
- 14 Nī ūndū ūcio, kīihandeei wega; rekeei ūhoro wa ma ūtuīke mūcibi ūrīa mūriyoohaga njohero, naguo ūthingu ūtuīke gako karīa mūrīgitagīra gīthūri kīanyu nako.**
- 15 Rekeei kīyo gīa kūhunjia Ūhoro ūrīa Mwega gīkoragwo arī kīo iraatū iria mūrīikagīra magūrū maanyu.**
- 16 Hīndī ciothe rekagaai wītīkio ūtuīkage ngo ūrīa mūrīgitagīra nayo. Wītīkio nīguo ūrimūhotithagia kūhoria mīguī ūrīa ūrīa yaikio nī Ūrīa Mūūru.**
- 17 Rekeei ūhonokio naguo ūtuīke ngobia ya kūgitīra mūtwe, nakīo kiugo kīa Ngai gītuīke rūhiū rwa njora rwa kīroho ūrīa mūriyohaga.**
- 18 Īkagaai maūndū macio moothē mūkīhooyaga, mūgīthaithaga Ngai amūteithie. Hooyagaai hīndī o yothe o ta ūrīa Roho arīmūtongoragia. Nī ūndū ūcio ikaragaai hingo ciothe mwīiguīte na mūtikaanakue ngoro; hooyagīraai andū oothe a Ngai hingo ciothe.**

Thaburi 91:1-16

- 1 Ūrīa wothe ūikaraga ūgitīriinī wa Ūrīa Ūrī Igūrū Mūno, na akamenyagīrīwo nī Mwene Hinya Wothe**
- 2 no ahote kūmwīra atīrī, “We nī we mūngitīri na mūmenyereri; we nī we Ngai wakwa ūrīa nīi ndīhokeete.”**
- 3 Tondū we nīarīkūrigagīrīria ndūgaatoonye mūtegooinī ūrīa ūhithīitwo, na ndūkaanyiitwo nī mūrimū mūūru.**
- 4 Arikūhumbagīra na mathagu maake, na ndūrī ūgwati ūrīonaga tondū nīarīkūmenyagīrīra wega, wīhokeku wake nīrīkūmenyagīrīra na ūkūgitagīre.**
- 5 Ndūrītigagīra ūgwati o wothe ūrīa ūngīūka ūtukū, kana gūtharīkīwo ūterīgīrīire mathaa ma mūthenya,**
- 6 kana mūthiro ūrīa ūniinanaga ūrīa kwī nduma na mwanangīko ūrīa ūrīaganaga kwī o mūthenya.**

- 7 Andū ngiri ūmwe o na mangīgūa mwena waku wa ūmotho makuīte, nao angī ngiri ikūmi mwena waku wa ūrīo, wee ndūrī ūru ūrīgūkoragīrīra.**
- 8 Wee-rī, no kwīrorera ūrīroragīra na maitho maaku ūrīa andū arīa aaganu maraherithio.**
- 9 Tondū nītuīte MWATHANI mūkūgitīri, Ūrīa Wī Igūrū Mūno ūkamūtua mūkūmenyereri-rī,**
- 10 ndūrī ūru ūrīonaga, na mūciī waku ndūrīkuhagīrīrio nī haaro o na ūrīkū.**
- 11 Ngai nīarīathaga araika aake makūmenyagīrīre kūrīa guothe ūrīthiaga.**
- 12 Marīgūkuuaga na mooko maaō nīguo ndūkaahīngwo kūgūrū nī ihiga.**
- 13 Nīrīrangagīrīria mīrūūthi na gīko na ūkinyagīrīrie na magūrū maaku mīrūūthi ūrīa mīthī na nyoka irīa irī thumu.**
- 14 Ngai aroiga atīrī, “Nīndīrīhonokagia arīa manyendeete na menyagīrīre arīa mooī rīitwa rīakwa.**
- 15 Manjīta nīndīrīmeetīkaga; nīndīrīkoragwo hamwe nao magīthīnīka, ndīmahonokagie na ndīmatīithagie.**
- 16 Nīndīrīmaheaga ūtūūro mūraaya, na ndīmahonokagie.”**

Thaburi 18:1-50

- 1 Í ndīkwendeete, wee MWATHANI, o wee hinya wakwa!**
- 2 MWATHANI nī we mūmenyereri, nī we handū haakwa hagitīre na hinya ha kwīhitha, na no we mūngūrī. Ngai wakwa-rī, nīwe mūmenyereri, na harī we ndīngīona ūgwati. Nī we ngo yakwa, na nī we ūngītagīra na akanjikaria na thaayū.**
- 3 Ngayagīra MWATHANI, naake akahonokia kuuma harī thū ciakwa.
MWATHANI arogooocwo.**
- 4 Mīnyororo ya kwa arīa akuū nī yo yeīthiorereirie, na ngakorererwo nī mīyūro ya wanangi.**
- 5 Mīnyororo ya kwa arīa akuū yeīthiorereirie, nayo mītego ya gīkuū ūgāthāgāthāgwo ūnyiite.**
- 6 Ndī mīnyamaaroinī ūyo ngīkaīra MWATHANI; ngīkaīra Ngai wakwa andeithie.
Naake akiigua mūgambo wakwa arī o Hekaarūinī yake, kīrīo gīakwa gīgīkinya o matūinī maake.**
- 7 Hīndī ūyo thī ūkīinaina na ūgīthingitha; o nacio itina cia ūrīma ūkīinaina na ūgīthingitha, nī ūndū Ngai aarī mūraakaru.**
- 8 Maniūrū maake makiuma ndoogo ūkīambata na igūrū, naguo mwaki wa kūniinana o na makara maarīrīmbūkaga ūkiuma kanuainī gaake.**
- 9 Akīhingūrania igūrū, agīkūrūka thī arangīte itu ūtūmanu.**
- 10 Aathiaga oombūkīte akuuītuo nī kīumbē kīrī mathagu agīgīthī arī mathaguiinī ma rūhuuhō.**
- 11 Eehumbīire na nduma, na agathiūrūrūkīrio nī matu matutungīrie mbura.**
- 12 Mbura ya mbembe na makara maarīrīmbūkaga ūgītūrīkania matu macio maake mairū, ciumīte ūkengiinī ūrīa warī mbere yake.**

- 13 Hīndī ūyo MWATHANI akīruruma e kū igūrū; naguo mūgambo wa Ūrīa Ūrī
Igūrū Mūno ūkīguuo igūrū rīa mbura ūyo ya mbembe na makara macio
maarīrīmbükaga.**
- 14 Naake agīikia mīguī yake, akīhurunjania thū ciake, na agīciingatithia na
heni.**
- 15 Hīndī ūyo kündū kūrīa kwī na thī wa iria rīrīa inene, gūkīonekana. nacio
itina cia thī ikīhumbūranio, rīrīa wee, MWATHANI, warūithirie thū ciaku, na
ūgīcigūūthükīra na maraakara.**
- 16 MWATHANI arī igūrū agītambürükia guoko akīnyiita, akīnduta ndiainī ūyo
ndiku.**
- 17 Agīkīhonokia kūuma mookoinī ma thū ciakwa iria ciangīrītie hinya, o na
akīhonokia kūuma harī arīa mathūire, nī gūkorwo nīmaangīrītie hinya
mūno.**
- 18 Manjūkīrīire rīrīa ndaarī mathīnainī, no MWATHANI akīmenyerera.**
- 19 MWATHANI agīkīnyumīrīria kündū gūtaarī na moogwati; agīkīhonokia nī
ūndū nīakeneetio nī niī.**
- 20 MWATHANI akīndīha kūringana na ūthingu wakwa; akīndīha kīndū na kīngī
nī ūndū mooke maakwa matiekīte ūru.**
- 21 O na nī ūndū ndiagīite kūrūmīrīra njīra cia MWATHANI, kana ngahuutatīra
Ngai wakwa nīguo njīke maūndū mooru.**
- 22 Nīndahingītie ūrīa mawatho maake moothe moigīte, na ngaathīkīra
maathani maake.**
- 23 Ndiarī na mahītia mbere ya MWATHANI, na nīndemenyagīrīra ndikaahītie.**
- 24 Tondū ūcio MWATHANI nīandīhīite kūringana na ūthingu wakwa, nī ūndū
mooke maakwa matiikīte ūru.**
- 25 Wee, MWATHANI, wī mwīhokeku kūrī arīa makwīhokeete, na wī
mūkinyanīru kūrī arīa akinyanīru.**
- 26 Wī mūtheru harī arīa maikaraga methereetie, no harī arīa meekaga ūru wī
mūrūrū mūno.**
- 27 Wee-rī, nī we ūhonokagia andū arīa enyiihia, no arīa etīī
nīūmaconorithagia.**
- 28 Nī we, MWATHANI, ūtūmaga taawa wakwa wakane wega, ūgakīnjehereria
nduma yakwa, wee Ngai wakwa.**
- 29 Nī we ūheaga hinya wa kūhehenja mbütū cia thū ciakwa; o na
ūkaahotithia kūrūūga thingo ciacio cia hinya cia kwīgitīra.**
- 30 Í Ngai ūyū njīra ciake ti nginyanīru! Í ciīranīro ciake ti ciakwīhokwo! Nī we
ngo ya arīa oothe amenyagīrīra.**
- 31 MWATHANI wiki no we Ngai; Ngai wiki nī we mūtūgitīri.**
- 32 Ngai ūcio nī we ūheaga hinya, na agatūma njage gūtūngana na ūgwati
njīrainī ciakwa.**
- 33 Nī we ūhotithagia gūteng'era itegūtindirūka o ta thwariga ya mūgoma,
ngoorīra irīmainī igūrū kūrīa itangīona ūgwati.**

- 34 Nī we ūndutaga ūrīa mbaara ūrūagwo, o nginya ngahota kūhūthīra ūta ūrīa wī na hinya mūno.**
- 35 MWATHANI, nī we ūmenyagīrīra o na ūkahonokia; guoko gwaku kwa ūrīo nīkuo kūndiiragīrīra, ūteithio waku nīguo ūndūūgīrītie.**
- 36 Nī we ūheaga kūndū kwariī gwa kūrīra; magūrū maakwa matirī maatirūka.**
- 37 Thū ciakwa ndeng'eranagia nacio ngacinyiita; ndihūndūkaga o nginya rīrīa ndīrīkia gūciniina.**
- 38 Ndīcigūthaga ikagūa thī, na itingīhota gūcooka gūkīra, ikagūa na ngara o magūrūnī maakwa.**
- 39 Nī ūndū wee, MWATHANI, nīūheaga hinya wa kūrūa mbaara o na ūkaahotithia gūtooria thū ciakwa.**
- 40 Nītūmaga thū ciakwa injūrīre, arīa nao mathūire nīndīmaniinaga.**
- 41 Makayaga mateithio, no motionaga wa kūmahonokia; makayagīra MWATHANI, no we ndameetīkaga.**
- 42 Na nī ngakīmathīa, makahinya o ta rūkūngū rūrīa rūmbūragwo nī rūhuho; ngamarangīrīria o ta ndoro ya njīrainī.**
- 43 Nī we wahonokirie kuuma harī andū arīa maang'eng'anaga na nī, ūkīndua mūtongoria wa ndūrīrī; rīu andū itaameneete nīmatuīkīte ndungata ciakwa.**
- 44 Andū a kuuma mabūrūri mangī mookaga mbere yakwa makīinamagīrīra; maiguaga ngumo yakwa, makanjathīkīra.**
- 45 Makuaga ngoro magooka makīinainaga moimīte matūūrainī maaō marīa mairigīre na thingo cia hinya.**
- 46 MWATHANI e muoyo! Arogooocwo, o we mūngitīri! Ngai ūrīa ūhonokagia arotūūgīrio!**
- 47 Nī we Ngai ūrīa ūndīhagīria harī thū ciakwa, na agatooria ndūrīrī agaciiga rungu rwakwa.**
- 48 Nī we ūndutaga mookoinī ma thū ciakwa, akanyambararia igūrū wa arīa manjūkagīrīra; nī we ūmenyagīrīra kuuma harī andū arīa mahūthagīra hinya.**
- 49 Tondū ūcio, nīngūkūgooca, wee MWATHANI, gatagatīnī ka ndūrīrī, o na ngumie rītwa rīaku na nyīmbo.**
- 50 Nīūheete mūthamaki waku ūhootani mūnene, na ūgatuga ūrīa waku ūitīrīrie maguta ūkamūthuura, o we Daudi na njiarwa ciake nginya tene na tene.**